

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

XCVII.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

Ioh. de Rapoldesteine. E. de Walpurg dapifer. L. & E. de Grindelaha & alii quamplures. Dat. apud Brisacum Anno Domini MCCXXX. Idus Augusti Indictione Tercia.

||
(L. S. maj.)



XCVII.

HERMANNI V. MARCHIONIS BADENSIS LITERÆ
FUNDATIONIS PRÆCEPTORIÆ ORDINIS TEU-
TONICI IN ULMA.

CIRCA ANNUM MCCXXX.

Ex tabulario Bada - Durlacensi.

In nomine Sanctæ & individuæ Trinitatis HERMANNUS *Dei Gratia*
Marchio de Baden omnibus tam præsentibus, quam futuris Salutem,
& veritati testimonium non negare. Labilis humanæ fragilitatis memo-
ria necessario scripturarum requirit adminiculum, ut cum aliqua fiunt
a modernis, quæ sunt memoria digna, scripto commendentur, ne à po-
steris ignorantia aut oblivionis vitio indebite retractentur. Nosse itaque
cupimus universitatem fidelium, quod cum dilectissimus beatæ recorda-
tionis Germanus frater noster *Fridericus*, igne Sancti Spiritus succensus,
se ipsum abnegasset, & assumpta cruce Dominum sequi desiderasset, nos
felici proposito ipsius congaudentes ut laboris sui participes mereremur
fieri, fideliter ipsi permisimus, quod quaecunque partem proprietatis
tam suæ quam nostræ, pro remedio animæ suæ Domino vellet conferre
oblatio-

oblationem ipsius, consensu nostro firmaremus, super hoc literas nostras ipsi dantes consensus nostri testimonium continentes. Cum igitur idem frater noster ad terram promissionis prospero itinere pervenisset, ubi tandem viam universæ carnis ingrediens pro remuneratione divina, omnem proprietatem suam & nostram in *Ulma* tam in agris quam in pascuis, molendinis, aquis piscariis, nemoribus, & omnibus eidem proprietati attinentibus, Fratribus Domus Hospitalis Teutonicæ Sanctæ Mariæ in Hierusalem contulit proprietatis nomine & pleno jure perpetuo possidendum, super hoc litteras suas nobis dirigens, & postulans, ut sicut promissimus factum suum consensus nostri robore firmaremus. Nos itaque promissionis nostræ non immemores sæpe dicti fratris nostri factum ratum habentes, & donationis ipsius auctoritate nostri consensus roborantes, memorata proprietate fratribus prædictæ domus cum omnibus attinentiis pleno jure, sicut supra taxatum est, communicato uxoris nostræ *Irmingardis* consensu donavimus, perpetua pace, & quiete, absque omni Heredum nostrorum reclamacione liberam possidere. Quare, ne aliquis sæpe dictos fratres in hac donatione quoquo modo molestet, vel impediat, hanc eis chartam dedimus, sigilli nostri munimine cum subscriptione Testium, qui eidem facto præsentibus aderant, roboratum. Testes vero sunt hi, Ludovicus Dux Bavarizæ, *Hermannus*, *Marchio de Baden*, *Bertoldus de Alenveld*, *Kobolt de Wolmohus*, *Wigandus de Alreia*, *Burckardus senior & junior de Rode*, *Cunradus de Caleose*, *Sifridus de Rintpuren*, *Sifridus de Butekeim*, *Henricus de Salbach*.

(L. S.)

Cod. Dipl.

Z